

**Adami Tanneri E Societate Iesv, S. Theologiæ D. Et In  
Academia Ingolstad. Professoris, Theologiæ Scholasticæ  
Tomus ...**

Cum triplici Indice

De Fide, Spe, Charitate, Ivstitia, Religione, caeterisq[ue] virtutibus [et]  
vitijs: ac varijs hominum statibus. Secvndae Secvundae S. Thomae  
Aqvinatis Respondens

**Tanner, Adam**

**Ingolstadii, 1627**

VIII. De contractu societatis, & innominato simili.

---

[urn:nbn:de:hbz:466:1-72877](https://nbn-resolving.de/urn:nbn:de:hbz:466:1-72877)

## D V B I V M VIII.

*De contractu Societatis. Quid sit,  
Et quare ratione iuste celebretur:  
deq; contractu quodam inno-  
minato, quo absq; certo titulo,  
quinque pro centum annuatim  
accipiuntur.*

Ad s. Thom. 2.2. q. 77.

200 **Q**uæritur primo. Quid sit contractus Societatis, & qua ratione iuste celebretur. Respondeo sequentib; pronuntiatis. I. Contractus Societatis est, quo plures socij ita ad lucrandum, per negotiationem, vel opificium aliquod conueniunt, vt singuli aliquid ad lucrandum vtile conferant, vti est pecunia, industria, labor: siue singuli omnia, siue unus quidem pecuniam, aliis vero operam, vel virtutemq; conferat, singularum sortium pecuniariarum dominio manente penes eos, qui eas posuerunt, vti communis Doctorum sententia explicat.

201 II. Contractus hic ex omnium sententia iustus ac licitus est, tribus conditionibus concurrentibus, vt ex communi recte docent Valentia q. 24. pun. 1. & Toletus l. 5. c. 41. I. Ut negotiatio sit iusta & licita. II. Ut lucrum iuste dividatur, aut æqualiter nimis inter singulos, si singuli sortes æqualis valoris ad lucrandum contulerint, aut seruata proportione, vt eo quisq; maius lucrum accipiat, quo sors ipsius est maioris valoris ad lucrandum.

202 Et quia opera & industria, vtpote immediatus & efficacius concurrens, plus valet ad lucrandum, quam pecunia (quamvis & hæc quoq; valeat, vt negotiatio exposta est, etiam secluso periculo, vt contra Sotum lib. 6. de Iustitia q. 5. a. 1. recte notauit Valentia loco cit.) ideo maior est opera, quæ pecunia habenda ratio; etiam si forte opera secundum se minus valeat, quam pecunia secundum se, nisi valde præponderet excessus pecunia; quo fit, vt qui operæ conferunt, sàpē magis lucrari possint, quam qui conferunt pecuniam, licet per se longe majoris pretij, vt norauit ibidem Valentia.

203 Quo spectat, vt si qui operas confer, non solum sit particeps lucri, sed etiam sortis, secundum estimationem operarum, ita vt negotiis peractis ex tota summa, quæ ex lucro & sorte conflata erit, tantum extrahat, quantum si loco operarū, pecuniam æquivalentē contulisset; ita quidē, vt si tu conferas mille aureos, socius autem operas centum aureis æstimatas, & lucrum sit 500. aureorum, socius extrahat vndecimam partem, non solum è lucro, sed etiam ex sorte, hoc est, ex mille & quingentis aureis, adeo vt ille habeat 136. aureos, & vnam tertiam, tu vero habeas reliquias decem partes, vti prudenter aduerit Lessius c. 25. dub. 2. n. 9. contra quodam Doctorum alter locutos; quasi si qui operas confer, p̄ rata parte, solum participare debeat de summa lucri, non autem de summa lucri simul & sortis.

204 Ratio est; qd; alioqui conferens operæ longe deterioris esset conditionis, quā qd; pecunias contulerunt: hi enim post finitum contractum, præter par-

ticipationē lucri, suas sortes integras habent, locatori vero opera hoc ipso, quod opera transferunt, nihil de sorte, quam contulit, reliquā maneret. Itaque vt i. qd; operas confer, non minus sit particeps tum lucri, tum sortis, quam qui ponit tantundē pecunia, neu è ipsi soli fors sua ac opera pereat, debet in hoc contractu opera socij æltimari pecunia, eaq; æstimatione sorti addenda est, vt fiat velut vna fors communis, puta 1100. aureorum, ex qua socius habeat partē vndecimā, perinde ac si tantundē pecunia contulisset; ac proinde eiā, vt in divisione cōpetat ei vndecima pars sortis & lucri, seu toti⁹ summe.

Quod si opera ipsius tanti valebat, quanti sors alterius, debetur ei dimidium totius summae: si erat æqualis tertiae, quartæ, quinque, vel sextæ parti pecunia, debetur eirterta, quarta, quinta, vel sexta pars totius summae, quæ reperiatur finitis negotiis. Alioquin societas in qua socii operam conferens solum sit particeps lucri, non etiam sortis, potius erit Leonina, in qua alter sociorum solum habet damnura, alter solum lucrum, iuxta l. si non fuerint, ff. pro socij, quam socialis. Eodemque modo intelligendi sunt Nauarrus cap. 17. num. 151. Couarruuias lib. 3. Variar. cap. 2. & Valentia loco cit. esti rem nō ita explicari: nisi quod ob eam ipsam causam fortassis notauit Valentia, maiorem operæ quam pecunia habendam rationem; etiamsi illa secundum se tanti non esset, quanti pecunia: vt dictum n. 202.

Tertia conditio est, vt damnum etiam iuste ad socios perueniat. Et quidem secluso speciali pacto, si damnum aliquod commune est omnibus sortibus, debet ab omnibus æqualiter sentiri. Si vnius tantum sors perierit, antequam scilicet communis sorti permiseretur, illi peribit, non alijs.

Eademq; ratione, si quis collata industria nihil lucratus sit, soli quidē illi sua peribit industria, alij damnum in sua sorte sentire non debent: nisi inter se conuenissent, vt quodcumq; damnum sortis eueniens, æqualiter ad omnes perueniret, vt cum Nauarro docent Valentia & Toletus loc. cit. vel certe nisi eadem opera ex voluntate sociorum, ita collata, ab eis que acceptata fuisset; tunc enim vt opinor eius estimationem etiam socij præstare debent; non secusac si quis conducto operario ad inutilem laborem, oileum simul ac operam perdidisset.

Sicut etiam si plures pecuniam locarunt, & casu forte vnius fiat iactura, tunc ea quidem etiam æqualeiter ad omnes spectare debet, qui pecuniam locarunt, cum non magis huius, quam illius sors perire debuerit, vt inquit Valentia loco cit. Quod intellige; post collationem sortium semel factam, ac societati comunicatā: secus si in negotiacione, per culpā socij, qui operæ contulit, perierit: tunc enim ei, qui in culpa fuit, peribit; si modo talis sit, quæ ad restitucionē obliget, iuxta dicta q. 6. dub. 2. Similiter si pereat in via, dum à domino mittitur ad socium, suo vtiq; dominò peribit, vt antea dictum.

Huc etiam spectat, quod de expensis, quas industria collator facit, recte notant Sylvester V. Societas quest. 12. Petrus Nauarrus lib. 3. de Restitu. c. 2. num. 442. eas scilicet (exceptis solum ijs, quas aut domi sua, aut sine societatis nomine, bonoque fecisset) communes esse debere, etiam in elemosy-

nam,

nam, societatis intuitu, factas: quamvis totum hoc onus socij in negotiatorem illum reievere possint; modo aliunde faciant illi iustum compensationem. Atq; hęc spēfāt ad contractū societatis secundū se.

<sup>208</sup> Cum hoc porro contractū, stando præcise irre, naturali, & vbi humanæ constitutiones nō obstant, varijs alij contractū coniungi possunt, etiam inter eosdem socios; & quidem omnes illi, qui & secundū felicitū sunt, neq; naturā contractus societatis euerunt. Cuiusmodi sunt, tum assūcuratio certi cuiusdā lucri, puta quinque in centum; tum assūcuratio capitalis; etiam illi contractus nō ita distincē & explicate cognoscantur: dummodo intentio vñtraria absit; & socio, qui eiusmodi onus in se suscipit, iusta compensatio fiat; nec is, præter suam voluntatem, cogatur ad eiusmodi cōtractus; nec cū quoquis socio ineatut pactum, de eiusmodi quinario certo lucro, saluo & seculo capitali, recipiendo, vt cū Caietano opusculo 17. responsione 11. Nauarro c. 17. n. 2 s. 5. Conrado q. 97. de Contractib⁹. Maiore in 4. dist. 15. q. 49. Gabriele q. 11. dub. 1 o. & Sylvestro V. Societas 1. q. 2. docent Couarruicias lib. 3. Variar. cap. 2. Angles in 4. quest. de societate, Toletus lib. 5. cap. 41. & Valentia q. 24. pun. 2. ex consultatione quoque Theologorum Romanorum.

<sup>209</sup> Quamvis assūcurationem capitalis, cum eodem socio celebratam, licitam esse negent Panormitanus in cap. Per vestras, de donatione inter virum & vxorem, Accursius in 1. si non fuerint, ff. pro socio, & Sotus lib. 6. de Iustitia quest. 6. art. 2. Quod tamen non probant, manet enim nihilominus dominium capitalis apud socium, cui fit assūcuratio; cum alter nō nisi dependēt ab ipsius voluntate, eo vt possit.

Hinc ergo pro ratione negotiationis, recte fieri poterit, vt socius, qui alioquin ex centum collatis aureis, vi contractus societatis, probabiliter poterat sperare lucrum octo v. g. aut decem aureorum, saluo & seculo capitali, possit ex societate, adiunctis duobus illis alij contractibus, annuatim recipere quinque; datis nimirum uno vel duobus aureis, pro assūcuratione capitalis, & duobus vel tribus alij, pro assūcuratione lucri minoris, vt recte notauit Valentia loco citato.

<sup>210</sup> Quanquam si indifferenter cum quouis, & in quouis negotiatione, talis contractus celebretur, s̄pē iniustus esse possit; cum non omnis negotiatio præbeat tantum lucrum, vt saluo quinario lucro, debita fiat compensatio, pro duplice illo opere socij imposito. Quo casu prouinde, nisi socij per quādam transactiōnem, sibi mutuo quasi condonent, quod alter bona quidem fide, sed iusto plus accipit, iustus non erit talis contractus.

<sup>211</sup> Eademq; sententiam fuse ac ex instituto tuetur Lessius lib. 2. cap. 2 s. dub. 3. vbi præterea etiam citat Franciscum Garziam de Contractibus parte 2 cap. 17. Angelum V. Societas, Lopez lib. 1. de Contractibus cap. 6 s. Bartholomaeum Medinam in sua Instructione §. 27. Eademq; sententia inquit, nuper à doctissimis viris, absque vlla difficultate, fuit Romæ approbata, & passim in Italia est in vsu, vt ex formulis impressis mercatorum constat. Denique plurimi hoc tempore per Italiā, Hispaniam, Germaniam, Galliam, Sacrae Theologiae Professores celeberrimi, eandem absque dubitatione tradunt; fa-

uente etiam Iure Canonico cap. Per vestras, de donatione inter virum & vxorem, & iure Ciuii l. si non fuerint, ff. pro socio.

Accedit, inquit, quod mercatores sic malint cōtrahere, quam aliter; maius enim lucrum sic percipiunt: asecuratiōnem enim sortis s̄pē non magni astimant; quia norunt eam secure impendere; vel si exponunt eam periculis, & res male cesserit, cogitant se non fore soluendū; ac proinde depositorem fore damni participem: quod s̄pē fieri videmus. Lucrum autem incertum, quod illis offertur, libenter certo pretio redimunt; quia spēfāt se multo plus lucratores: tales venditiones & emptiones rerū, non habentium certum euentum, inter eos sunt cereberrimæ: adde, quod ex tali contrahendi formula, non cogantur rationes suas & computus alijs patefacere. Itaq; tantum absit, vt ad contractū asecuratiōnis, & certa pensionis annua pro lucro sperato, adigantur mercatores inuiti, vt alia ratione pleroque nolint ad societatem admittere, aut eorum negotia curare.

<sup>212</sup> Neq; obstat, quod æquum non videatur, vt ex vi vnius contractus alter contrahens obligetur ad aliū; nam tres isti contractus possunt iniri per modum vnius; ita vt reuera tantum sit vnius cōtractus; qui proinde iustus erit; modo ea, quæ comūruntur, exequuntur astimatione & iudicio peritorum mercatorum: & si contractus isti possunt iniri cum diueris, vt omnes fatentur, cur non cum eodem?

<sup>213</sup> Ex quo infert Lessius, formulam illam, nō eff̄ iniquam, quæ in Italia, & Antuerpiæ varijs linguis circumfertur, his verbis; Ego infra scriptus, confiteor hoc meo chirographo, me accepisse à Tito mille aureos, ut eos impendam legitime negotiationi; & loco incerti lucri maioris, quod illi ex hac negotiatione posset competere, promitto me illi daturum sex in centum quotannis, & eiusdem summae periculum p̄stabilitum.

<sup>214</sup> Ita etiam potest tradi grex centum ouium pascēdus, ea lege, vt pastor præstet eum saluum, supplēdo si quid forte etiam perierit; & præterea quotannis soluat aliquid certi pro fructibus. Ut tamen hic cōtractus sit iustus, necesse est, vt spes fructuum, ex illo grege sit tanta, vt iudicio prudentis æquivalat oneribus, quæ pastori imponuntur, nempe obligatiōni præstandi integrum numerum, & soluendi quotannis certam pensionem.

<sup>215</sup> Denique addit Lessius ibidem n. 3 2. hunc contractū non solum per se esse licitum, sed etiam esse expediens, præsertim hoc tēpore, & ad salutem animalium, & ad comodum Principis, & ad cōpendium viduarum & pupillorū, eam contrahendi formam non prohiberi, sed permitti; id quod ibidem fusus prosequitur; in fine concludens, totam hanc deductionem à primarijs Professoribus Sacrae Theologiae Louoniensis Vniuersitatis esse examinatam, qui eam in omnib⁹ & singulis suis conclusionib⁹ probarunt, & vñ publico permittēdā esse iudicarunt: ne ppter vmbras quasdam vñtræ hic cōtractus in polterum damnetur; cuius prohibitionē hoc tēpore cum damno publico futurā nō dubitauerit. Hęc Lessius.

<sup>216</sup> Nec obstat, quod Sextus V. in constitutione edita An: 1586. 12. Cal. Nouemb. damnet, & reprobat omnes contractūs in posterum ineundos per quos cauebitur personis, pecunias, animalia, aut res alias

societatis nomine tradictibus, ut sors ipsa, et si fortuito casu pereat, semper salua sit, & integra a socio recipiente restituatur; statuens, ut talis contractus posthac usurarius censeatur.

Quia non obstante hac constitutione, inquit Lessius loc. cit. is contractus in Italia maxime viget; & semper viguit ista forma contrahendi; & passim schedulis impressis extat, & versatur in omnium manibus. Vnde patet, illam constitutionem vel nunquam ibi fuisse receptam, vel certe non vetere hanc formulam, sed alio spectare. Multo minus fuit accepta hic in Belgio, vbi neque fuit vñquam promulgata, neque cognita: quod à me pari ratione etiam de superiori Germania dici posse videtur.

Quaritur secundo: Quid sentendum sit de contractu quodam peculiari & innominato, quo absque certo titulo, quinq; pro centum annuatim accipiuntur. Fit enim in Germania passim, ut non habita ratione certi tituli, & specifici contractus, pro centum exigantur quinque, salvo capitali suo tempore reddendo; de quo quæstio est, an licitus sit. Etenim ex dictis colligitur, varijs modis licitum & illicitum esse posse.

218 Illicitus quidem erit primo, si vi mutui præcise (quia scilicet alter suo commodo pecuniâ data, ac in suum dominium redacta ad tempus vti potest) adeoque per usuram, quinarium illud lucrum exigatur: non obstante quocunque pietatis, necessitatis, vel consuetudinis prætextu, ut patet ex dictis de usura dub. 3.

219 Secundo illicitus est, si quis ita alteri tradat centum, ut nihil de iustitia, vel iusto titulo sollicitus, id solum curet & querat, ut quinque pro centum obtineat; quocunque demum modo, seu licto, seu illicito: & multo magis, si quis per malitiam, omnem iustum titulum, puta lucri cessantis, danni emergentis, census, vel contractus societatis &c. expresse velit excludsum.

220 Tertio iniustus est, si quis prætextat quidem aliquem titulum, puta censu, contractus societatis, lucri cessantis &c. sed prætextus est falsus, ac titulus nullus: sine contrahenti hoc ipsum constet, siue de hoc plane nolit esse sollicitus.

221 Quatuor autem sunt modi tolerabiles eiusmodi contractū celebrandi, ut ex consultatione Theologorum Romanorum recte docet Valentia q. 25. pun. 3. Primo si suppetat titulus lucri cessantis, vel damni emergentis, vel aliquis aliis, ob quem superius dub. 3. diximus, licite aliquid ultra sortem, etiam in mutuo accipi posse: qui titulus satis quidem est liquidus; sed in particulari non semper locum habet; præsertim quia hi tituli aliquo modo intendi, & nominati etiam duo in pactum deduci debent.

222 Secundo licitus erit, si vel expressa, vel implicata intentione incaut contractus societatis, cum eo, qui lucrari potest; adiuncto duplice alio pacto, de assecurando scilicet capitali, & lucro quinario certo; relieto in compensationem eiusmodi onerū lucro incerto maiori, v.g. septem in centum; modo id ipsum lucrum merito ex eiusmodi societate sperari possit; vel certe per aliquam transactionem, quod plus, minusve detur, contrahentes sibi mutuo condonent, iuxta dicta superius.

223 Tertio, iustus erit, per modum census; finimur ab altero contrahente ematur census realis, vtrique redimibilis, adiuncto itidem pacto duplice assecurationis, ipsius scilicet capitalis, & quinaria pensionis: cum præsentim abque his oneribus, quantum est ex iure naturali, facile possint censualiter, secundum prudentum estimationem, non tantum quinque, sed etiam septem in centum accipere; vnde remissis duobus, videri probabilitate possunt duo illa onera compensari, vt docet Valentia, loco citato. Necesse tamen est, vt conditions iure naturali ad census requisita adhinc; nec obstante leges positivæ, seu Pontificiæ, seu Imperiales, iuxta dicta dub. 4. Nec obstat, quod census eodem pretio redimatur, ut ibidem diximus.

224 Quarto, iustus & tolerabilis erit, si quis nullo certo titulo specificat, ex centum, homini, vel qui lucrari solet, vel bona immobilia habeat, datis, consensus etiam eiusmodi accidente, bona fide lucrari cupiat quinque, eo tandem titulo & modo, quo iuste possit modo & à parte rei adhuc eiusmodi titulus iustus; nec imprudenter sibi persuadeat contrahens adesse. Quem quidem modum, etiam à Theologis Romanis tolerabilem esse iudicatum, testatur Valentia loco cit. qui insuper existimat, eiusmodi lucrum (seclusa peruersa intentione, ac iure positivo) fere semper tolerari posse, per modum aliquem ex prædictis; modo prærequisitæ circumstantiae observentur.

225 Neque tamen ideo nunquam poterit usura accidere; nihilominus enim poterit; vel ex malitia, vel ignorantia contrahentium; vel ex negligencia, aut etiam difficultate obseruandi requisitas circumstantias. Quare etiam monet Valentia, propter periculum, tres illos posteriores modos non esse suadendos; quamvis non unquam etiam expediet, ei, qui alioqui usuras exercere solet, ob certius malum evitandum, eosdem explicare; sicut etiam minus malum licite proponitur ei, qui alioqui ad maius malum inferendum est determinatus, ut docuinus disp. 2.q.6.dub.8. & consentit Valentia loc. cit.

226 Accedit, quod nunc in Germania paulatim, eiusmodi innominatus contractus quinarij lucri abrogatur; substitutis publica auctoritate certis contrahendi formulis, quemadmodum videre est in Synodo Dioecesana Brixianæ Anno 1603. habita, vbi in fine adduntur sex formulæ contrahendi & lucrandi quinque per centum, ex certis & liquidis titulis. 1. Per modum census perpetui, ex virtute parte irredimibilis. 2. Per modum census solidum ex parte vendoris redimibilis. 3. Per modum census ex virtute parte redimibilis. 4. Per modum contractus societatis, adiuncta assecuratione capitalis, & lucri quinarij. 5. Per modum mutui, adiuncto titulo lucri cessantis. 6. Per modum mutui, adiuncto titulo damni emergentis.

227 Additur quidem circa secundam contrahendi formulam, posse easdem duas priores contrahendi formulæ etiam usurpari in mutuo, vbi restitutio summae capitalis solum in arbitrio mutuarij poseta est, modo murentur termini. Verum seculo alio titulo, ex vi solius mutui, auctarium accipi non posse, constat ex dictis dub. 3.

Dices; vnum titulum accipiendi in mutuo au-

228 etariū,

starium, esse etiam dispositionem rationabilem su-  
perioris potestatis, seu consuetudinis equivalentis.  
Cum ergo lucrum illud quinarium in mutuo etiam  
absque alio titulo vbiique permittatur, & litiganti in  
tribunalibus adiudicetur, videtur tum vi consuetu-  
dinis, tum vi dispositionis superioris potestatis, esse  
licitum, quamvis nullus etiam alias titulus interue-  
niat. Respondeo, negando consequentiam. Praxis  
enim illa iudiciorum supponit quidem, & quasi ta-  
cere presumit, adfuisse & adesse iustum titulum ac-  
cipiendi quinarium lucrum, vt reuera communiter  
reipla non abest; at vero non approbat eiusmodi  
lucrum, quasi per solum mutuum absque alio titu-  
lo iuste alicite accipiat. Quare nec in conscientia  
tutus est, qui in hoc contractu nullius alterius ti-  
tuli rationem habet: esto absolute loquendo statui  
fortasse per utramq; supremam potestatem, ex causa  
rationabili, lex posset, vt in omni mutuo (non vi  
mutui) absq; alio titulo, quinq; ex centum accipe-  
re liceat, ipsa dispositione magistratus titulum  
supplente. Atq; hi sunt præcipui contractus, qui in  
præsenti videbantur explicandi; de cæteris enim  
iam alibi diuersis in locis egimus; nimurum deludo  
& sponsonibus, supra quæst. 6. dubio 9. de Pignore  
ac perceptione fructuum ex pignore, supra  
dub. 3. & partim etiam quæst. 6. dub. 2. de com-  
modato qua ratione à mutuo differat, & cuius cul-  
pa præstationem exigat, eodem dub. 3. & quæst.  
6. dub. 2.

Solum de fidei iussione, assecuratione, deposito,  
& hypotheca hæc præterea notentur. I. Fidei iussio  
est alienæ obligationis in se susceptio, qua se quis  
obligat ad eam implemandam, si debitor principalis  
non soluerit; sive id gratis fiat, sive pro debita com-  
peniatione. Quæ quidem obligatio inualida est, cu  
principalis debitoris obligatio omnino inualida  
est.

Requiruntur autem in diuersis fideiussoribus, ac  
præsertim in muliere, certæ conditions, quæ etiam  
pro marito fideiubere non potest. Alioqui comuniure,  
omnes fideiubere possunt, qui possumunt  
principaliter obligari: & nisi facta sit exceptio,  
quando sunt plures fideiussores, pro eodem debito,  
singuli tenentur in solidum.

II. Contractus assecurationis, est periculi alieni  
præstatio, seu gratis, seu certo pretio suscepta; quo  
casu, ad contractum emptionis & venditionis re-  
uocatur. Iustus est, si fraus desit, & pretium sit pe-  
riculo proportionatum, virorum sapientum iudicio:  
quod pariter etiam de fideiussione dicendum  
est, ob parem virtusque rationem.

III. Depositum dicitur, tum res ipsa, quæ aliqui  
custodienda traditur, tum contractus, quo aliquid  
traditur custodiendum, vt integrum restituatur, vt  
colligitur ex l. 1. ff. Depositi. Et merito pro cura-  
custodiæ iustum pertium exigitur.

Nec potest communi iure depositarius vi deposito,  
nisi ex consensu expresso, vel probabiliter pre-  
sumpto ipsius deponentis, vel quando depositum  
est res vsu consumptibilis, puta pecunia, triticum,  
&c. & depositarius certus est, se quando depositum  
repetetur, paratum habiturum tantundem, eius-  
dem mensuræ & bonitatis; tunc enim saltem non  
erit mortale vi deposito, vt docent Syluester V. De-

positum num. 10. Molina disp. 534. Lessius cap.  
37. dub. 2. Quando autem depositum possit non  
reddi, & ad quam culpam teneatur depositarius  
dictum quæst. 6. dub. 2. & 15.

IV. Pignus & hypotheca, tum pro re ipsa, quæ  
creditori exhibetur, ad assecurandum debitum à  
debitore, tum pro contractu seu conuentione in-  
ter debitorem & creditorum, qua pignus seu hypo-  
theca constituitur, tum pro obligatione quæ ex  
contractu nascitur, accipitur.

Differunt tamen, quod pignus propriæ est rei  
mobilis; hypotheca rei immobilis: quæ etiam con-  
trahitur vel expresse, nempe ipsa partium conuen-  
tione, aut decreto iudicis; vel tacite, nempe legis  
dispositione, vt in multis casibus accidit; vt videre  
est apud Sylvestrum V. Pignus quæst. 2. Molinam  
disp. 526. Lessium cap. 28. dub. 6.

Vtraque hypotheca vel est vniuersalis, in qua  
omnia bona debitoris obligantur, tam præsentia-  
scilicet, quæ futura, iuxta l. fin. Cod. Quæ res pignori:  
vel particularis, qua res certa obligatur: quæ tem-  
per afficit rem ad quemcunq; perueniat, donec vel  
solutum sit debitum, vel obligatio condonata, vel  
prescriptione extincta. Plura apud citatos.

#### D V B I V M IX.

*Quidnam in particulari iudican-  
dum, de varijs contractibus, &  
contrahendi modis, his proxi-  
mis annis (Anno 1620. & seqq.)  
in Imperio, ubi moneta antiqua  
valor adeo excreuerat, usita-  
tus.*

Ad s: Thomæ 2. 2. q. 77.

E xplicauimus hancen breuiter communes, &  
vbiique receptos contractus, & contrahendi  
modos, idque secundum communem Reipublicæ  
statum, ac consuetum pecunia, quæ fere contractus  
reguntur valorem. Nunc ea difficultas paucis ex-  
pendendare restat, quid sentiendum sit de varijs con-  
tractibus, & contrahendi modis, qui proximis an-  
nis ab anno 20. vsque ad annum 25. quo tempore  
valor Taleri imperialis (in se penitus inuariati) ad  
quatuor, sex, octo & deniq; decem vsque floren-  
orum pretium excreuerat, in vsu fuerunt. Quæ quidē  
difficultas locum habet, tum in omni contractuum  
generi; tum præcipue in solutione debitorum an-  
tiquorum, in emptione tam mobilium, quam im-  
mobilium rerum, in locatione & conductione ope-  
rarum, & in mutuo: de quibus singulis breuiter a-  
gendum.

Et quod ad debitorum solutionem attinet, cum  
per se confitet, noua debita, tempore mutati valoris  
pecunia contracta, sub certo florenorum impe-  
rialium numero, per se loquendo, recte eodē num-  
ero, stante scilicet eodem pecunia valore, persoluta  
fuisse; quandoquidem ea ratione inter creditorē &

debito-